

Tituce

¹ Bituru canga kwama kange Nii tomange Yeecu, mor bilenker nubo kwa cok cokeu, Kange nyomka bilenkererdeu ciya ki yimbo wucakeu.

² Ki yoneeri dumediyeu, wo kwama wo mani cwer cwerkeu, ma noro nanimre Kaltiyo gwam.

³ Ki kwama dong dongeu con nung kercaro fiye neku tomange wo ca ne yereu nan ne fulendo. kambo a yi yereu.

⁴ Ki titu bwe bcomeu, mor bilenkere. Luma kange yim luma fiye kwama Tee kange Kiritti Yeecu nii fulo be.

⁵ Lam co kero wo ma dubangum nen kanita, na ywelangum dikedibeu, na yorang nubo dur cinan loronen gwambo kkambo ma yim neneu.

⁶ Nii a yilam mnki kurom ni na bare nawiyee wine, ki bibeyo ne bilenker buro, man ki kurom, bwinciye, nager bwir, "Kaka" bongan ka tu'uk.

⁷ Tam nii tam ki ku wabeu, yim cembo na ni to kuwabe kwama tiyeu, a yilam nii manki kurom, a yila re ni kwalkanke, a yilare nii ki bwini birom nee. a yilare nii funere wolomeu, kaka nii norang Nyom toyeu, a yilare nii kwabang ka diker kaka nii nung nung.

⁸ La nyeu ayilam nii yoka nobek, Bifarak kange dike yor yoreu, a yilam nii neeri, a yilam nii cakcakeu, wucakeu kange ta ka duwek.

⁹ A yilam nii ta tomangeeu merang cineneu, kibi kwan. nyori na co ne kangembo bikwan ki

merang kako ken na co yuwelum nuboo kunang centen tiyeu.

¹⁰ Wori nob doro kwamam kwangeu wi ducce manna nuboo biyem lareu.

¹¹ Tam a tim ki ci. cimenrang dike daten bo ciamerangeu ni dike cia fiyati mor kwenduweu.

¹² Win mor nob dukum ciyem bo nin toki, kirawa kan nob curerkebo dur, nuboo kayang yarangeu, La bi ciro cunangi nyeu.

¹³ Kero wo bilenker na con nyeu yuwelci kambo ken, la na ci tim kibi kwan mor bilenkere.

¹⁴ Cuware tu'u mo keti bidangi wo yafundawa kaka wefuner nobero fulogum bilenkereu.

¹⁵ La nuboo buro cak-cakeu, dikero bilenkereu, ciyeu kebo cak-caki kange ci kange neer ciro kebo cakcak.

¹⁶ Citokti cin nyumom kwama, la cin koco ki nagen ciyero ci matiyeu, cin yilam dike yaiyayeu kange nob bi kwamduweb, ma a ciya ti kici na ma kange nange ken.

2

¹ La meu, dike daten kangen ker bilenkere.

² Tam celeb bayilobbebo ayilam nob taka duwek, nuboo nyumom durcireu, nuboo ki dume neere keneu. nuboo ki bi kwan mor bilenkere, mor cuika kange birom ner.

³ Ki nure win, merang natub celebo nen a tam dor ciro ki duika, kebo nod cuwarumeb, ci a yilam nob merangka dike yoryoreu.

⁴ Na ci merang natuboo biduwar tinimbo nen a cin na barob ciyebo, na cui bibeyo lociu,

⁵ A yilam nubo ki dumeu ne nen cakkak nob taka luwe bo keni na yilam nob cukka dorek nabarob ciye nin, kati yilo ker kwamaro fiya kurom.

⁶ Ki nure co ne bayulobo bi duwar tinimbo bi kwar kwan nerer cia mananger ki dumeneri ken.

⁷ Ki nure gwam yoken dor mwero na diker merangka nangen do yor yoreu, mor merangka mwekko nug cnong ka bwik kange kanga duika.

⁸ Ni tomangeu dong dong man ki kurom, na wo kwenang mwen ten tiyeri na nuwa kwenduwe. wori ci man ki dike bwira bwira, a tok ti dor bereu.

⁹ Merang cangabomin ciya ne teluwe cibomin dur mor dike gwam, na fo cimen ner la a kwobkanka de kange ci.

¹⁰ A kure kui cinen La nyeu ci a nung bilenkero ken ciyero gwam, na ci ma merangka beko dor kwama nii wo fulobeu Yuwelka ti kuek, mordikero gwam.

¹¹ Na luma kwama kon cerkangu na ceu nubo gwam.

¹² Kimerang binere nabo ko nagen do bwirko kange dilanka duweko dor bitinereu, nabo yi yim ta ka duwen, ti dong dong, kange yim wucakem mor kaltiyowo.

¹³ Kambo ba yome kab na bo yo bibuyer yim yo neeri beu bou ka duktangka kwama beko kange ni fulobe Yeecu kiriti.

¹⁴ Yeecu ne cer na bo fiya fanka bo ki bwini bwanka wer funeu, na bo yilam nubo wucake, wo ceu, nubo ca cok dor cero mineu, wori ki neer na ci ma nagen do yor yore.

¹⁵ Tok ker dor dikeburo re nubobu bi kwan nama ci, na yuelyuwelka, ki bikwan ker gwam. dob re nage a cuwekang men.

3

¹ Kuracimen, ci a yilam nob cukka duwek fiye nubobu tamki nobbeu, kange nubobu bi kwan kerebbobu cia yii ki na maka nagenneko kendo ce gwam.

² Kura cimen naci tore nii ci a cuire maka ki yenek, ci a dob nubobu ado nure ciye, ci a nung cinen fiye nubobu wiye gwam,

³ Wori nyo kwantti nyo ki bwinyi m nyo ka batinerer, mani nyo ne nii dur, nyo tiya nngu nure, nyo yilam canga fiye dilanka nuwek kulendo dor bikinereu kange norangka. nyon yi yim mor nagennero bwir, kange ko kang ka butik, nyo kayaragum, la nyo kwere kwerekanti bwitiye,

⁴ La kambo nuwa duwek kwama nii fulobeu kange cuika ceko bibwe nifire nineu cer kangu weu.

⁵ Keboki nangen cak cakero wo bo ma neu, lam nuwa duwek cek ca fulobe, ki nirka borero fwir kange fulonka yuwa tangbe kwamau.

⁶ Kwama cor binen Yuwa tangbako ducce fiye Yeecu Almacihu nii fulobeu.

⁷ Co ma wo, won bwiko ba fiya cerca ki luma ceu, ban yilam nob kwalib ki yoneri dumeu diiriyeu.

⁸ Tomange wo na wo ciya-ciya cike, ma cuiti na mo tok ker dor dike buro min lana nubobu burom bo ne bilenker kwama nineu. an tiyora na ci dok ken dor cro mor nagennero ken. diker buro yori kabo ki nangen nubobu min gwam.

⁹ La dubom mugangka kuleneko kange kiyeka kange fwena kange kwob kanka dor wer funer. dike buro manki nangen, kumen manki yokka.

¹⁰ Ko nii wo bouti ki Yalkangka tiber kumereu, kambo mo ca cinen tor kiito wi kangeri yob.

¹¹ La nyuom moki nii won tiyangum nur bilenkere, la na ma bwirang keti, conku wam dor cero.

¹² Kambo ma toum Artima kange tiki ku munen neri, katen na'a na fiya yewi nika boli, ma yi cuwakiyako firen.

¹³ Ma dike ma matiyeu na toumoun Jina nii nyumom bolangeu, kange Afolo Kambo mani cia ci buni dke tiyeu.

¹⁴ Daten nubo lobeu amerang maka nage nek ko ken wo ci a corum buni wo ki kwenure cia yire yimbo bwir.

¹⁵ Nubo kange meu gwam yaum nenti yarum nubo cuiboti ki bilelnker, luma a yi kange kom gam.

Bangwinji

The New Testament in the Bangwinji language of Nigeria

copyright © 2020 Door43 Worldwide Mission Community

Language: Bangunji (Bangwinji)

Translation by: Door43 Worldwide Mission Community

Contributor: Bangunji, RUMTONG, Bangwinji, Kunini

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2024-05-01

PDF generated using Haiola and XeLaTeX on 18 Apr 2025 from source files dated 1 May 2024
48c89511-58c2-504f-8a2b-75fb588af0a6